

欽定大清會典事例

欽定大清會典事例卷三百八十一

禮部

學校

商籍學額 駐防考試

商籍永廣學額

增廣學

商籍學額

○直隸商籍額進三名

應試者十名 取進一名 卽

應試人多不得過三名 如人數不及十名 實有文理明通者 亦准酌量取進一名

竈籍

額進七名

應試人少 照商籍之例 以十名取進一名

廩生二十名 增

生二十名 二年一貢

屬天津府 學兼管

浙江商籍額進

五十名

內撥杭州府學二十名 仁和縣學十五名 錢塘縣學十五名 廩增無額 與民籍

憑文 考補

山東商籍額進四名

如人數不敷 以廩生

五名 增生五名 五年一貢

屬濟南府 學兼管

山西商籍

額進十名。廩生二十名。增生二十名。二年一貢。

屬安邑縣  
學兼管

廣東商籍額進七名。

以十名取進一  
名如人數不敷

任缺  
母濫

廩生三名。增生三名。四年一貢。

屬廣州府  
學兼管

四川犍為樂山兩縣合設商學。富順榮兩縣合

設商學。各額進四名。

均以二十名取進一名如  
應試人多不得浮於定額

備人數不敷實有文理  
通達者亦准取進一名

各廩生五名。增生五名。

五年一貢。

屬犍為富順  
兩縣學兼管

○順治十一年題准商

籍入學。直隸山東江南浙江四省。照大學考取。

山西陝西兩省。照小學考取。○康熙六十年議

准廣東鹽商子弟。照淮浙河東之例。取進童生。

二十名。雍正九年議准山西運學將民籍冒入之生員並其子弟改歸原籍。現在應試人數甚少。照中學之例。於原額二十名之內減去八名。取進童生十二名。原額廩增各四十名。亦減去一半。儘先補者留實廩實增二十缺。餘俱改為候廩。候增照學縣例。二年一貢。十年題准。直隸省天津滄二州縣改隸天津府。其商竈二籍另立商學。照例取進商籍八名。竈籍七名。其現在河間府學之商竈籍生員悉行改歸天津府學。額設廩增各二十名。其廩生膏火有資。毋庸給予廩餼。仍

儘先補者各留二十名。餘俱改為候廩候增。歲科二試考居優等者。照例補實。遇出貢之年。照例出貢。○乾隆三年議准。廣東省商籍生員。向係分撥廣南番三學。所補廩增。即在三學民籍廩增之內。有妨民籍。應照直隸天津府例。將三學商籍生員。悉歸商籍原額。廣州府八名。南海番禺二縣各六名。仍照舊取進。設商籍廩增各十五名。自行幫補。毋庸給予廩餼。若應撥現補之實廩。實增浮於額設之數。先儘年深者補足十五名。餘作為候廩候增。俟將來考居優等。與優等附

生新舊開補。○又議准廣東省商籍廩生其貢額照天津商竈學之例。遇挨貢拔貢之期俱照民籍縣學例辦理。○八年議准山東省運學原係小學與天津府商學照大學例不同。量設廩增各五名。以符各學定制。俟歲科兩試考居優等者照例幫補。仍照天津商學廩生之例毋庸給予廩餼。其新補廩生俟十二年後五年一貢。○四十一年議准兩淮商籍現在額多人少。自不應仍照原額取進。嗣後商竈每十名各取進一名。其尾零過半者亦取一名。照例附入揚州

府學如人文復盛仍於原額內通計酌取總不得過原額二十名之數以示限制仍令該學政每屆考竣之期開造清冊並將商竈應試各若干名於文內聲明呈送禮部查覈如考試童生雖於取進額數相符而佳卷不敷仍照任缺母濫之例辦理。○四十三年議准近來商學商人子弟日少外省假冒日多既未便令實係商人子弟一體勒回原籍應試亦不便因清釐冒考將真商子弟學額概行刪除嗣後由各督撫學政通查各省真商親子弟姪應試者覈計人數

多寡。另行酌減學額具奏。如查辦不實。將該督撫學政交部議處。至商籍童生進學後。或仍在商籍科試。或即歸本省鄉試。若實因道路寫遠。往返不便。必須在商籍就近鄉試。自當仍照直隸從前另編鹵字號之例。酌量定額取中。除廣東舊設有鹵字號中額外。其餘直隸。江南。浙江。山東。山西。陝西等省。查明從前設立鹵字號之例。歸於該省定額內五十名取中一名。雖應試人數多至數百名。總不得過二名之額。如有因人數過少。不敷取中。情願改回本籍者。准其呈



明改歸。又覆准。浙省商籍童生。多者六七百人。少亦不下五六百人。係引地一百二十餘處。銷引者數家至數十家不等。皆係徽商開設。攜眷僑居。離徽寫遠。此為配銷商人子弟。又或祖父行鹽。數傳而後。支分派別。或尚修世業。或馴至式微。家既消長不齊。引亦隨時頂賣。而居杭既久。安土重遷。此為銷乏商人子弟。查商人當以行鹽執引者為憑。雖數家共銷一引。實屬現在行鹽之人。其子弟自應列入商籍考試。至引已售賣。並非現在充商。此項乏商子弟。既無鹽

務羈身。自可赴原籍應試。如因在杭居住年久。安土重遷。亦可援寄籍人等二十年准其入籍之例辦理。且向來徽商子弟。准其向仁錢考試。是援例入籍。於本地應試士子本無妨礙。所有該省商籍入學名額。即將此項銷乏商人子弟開除。另行覈實定額具奏。如此項人內有願回本籍者。聽其回籍考試。其實有田產墳墓在浙。與入籍之例相符者。准其入籍。○又議准。嗣後直隸省商籍童生。實係真商親子弟姪。應試者以十名取進一名。即應考人多。文童不得過三

名。僮人數不及十名。實有文理明通者。酌量取進一名。否則任缺毋濫。又直隸竈籍。舊例文童額進七名。均係王著竈戶子弟。與商籍之可以借名冒考者不同。嗣後直隸竈籍應考人數。文童七十名以上。方准照原額取進。如應試人少。照商籍之例辦理。以十名取進一名。又議准。山西省有坐商運商二項。坐商置有畦地錠票。澆曬鹽斤。即係竈戶。本年文童一百九十七名內。籍隸朝邑及解州平陸等縣。僅十一名。籍隸安邑者。一百八十六名。若非專設運學。則此項坐

商子弟。即當全歸安邑。勢必多占民額。其運商  
係本省殷戶。出資轉運。共五十五名。其中兼置  
有畦地者五十二名。即與坐商無異。其辦運而  
未置畦地者止餘三人。仍暫准附運學報考。俟  
五年更換後。即移回本籍。嗣後不准復入商籍。  
所有運學進額。文童酌減二名。取進十名。至運  
商並未置有畦地者。雖據稱止餘三人。向係附  
運學考試。但本年議准山東學政姚梁條奏。本  
省商人概不准在商籍報考。此項運商。自不便  
令其在商籍考試。所有山西省各商。毋庸另編

商籍。四十四年議准。山東省商籍。向例童生定額八名。今奉新例。本省商人子弟。改歸本籍。應試人數較前愈少。嗣後該撫等。每逢考試。查明應試實數。以十名取進一名。如應試童生果有四十名。方准取進四名。即人數再多。亦不得過四名之額。至入學後。另編鹵字號。鄉試。如中額不敷。有願歸回本籍者。遵照原奏辦理。○又議准。本年兩淮商籍報考。合例者止有一名。所有商學舊額。即行裁汰。此後如人文日盛。該撫等隨時據實查奏。再行設額。至商籍生員鄉試。

亦不便另編鹵字號取中。仍照原議。有情願改歸本籍者。呈明改歸本籍應試。原係廩增照例改為候廩候增。與本籍生員照考案新舊間補。仍照原食餼年分挨次出貢。其實有與入籍之例相符者。准其呈明。於江南居住之該州縣入籍。再竈籍童生與土著無異。所有該省竈籍學額六名亦行裁汰。歸各該州縣民籍考試。○又

諭據王亶望等奏請裁浙江商籍學額一摺。雖應交部議。但思浙省商籍與長蘆山東情形不同。該省人文本盛。應試人多。本地之人。藉商籍登進者十居七八。

其中人材輩出。頗有用至大僚者。是浙省商籍。即仁錢士子進身之一途。朕所素知。若一旦全行裁汰。名為嚴覈商籍童生。實則暗減杭城學額。寒畯不免有向隅之歎。况商籍所以清釐者。原因該省地方官或私令子弟至親冒名入籍。以冀倖進。實為積弊。不可不嚴查究治。此外如實係冒濫者。有犯必懲。其餘則不必因噎廢食。豫申厲禁。朕從不為已甚之事。何必獨於此加嚴。以抑士氣乎。且浙江商籍學額。相沿已久。向亦未聞其有弊。竟可毋庸更張。朕以為浙江商籍學額。竟可仍舊辦理。但令該撫等隨時查察。毋使

有倖濫等弊足矣。著九卿一併議奏以為何如。欽此。遵旨議准。浙江省杭州府仁錢二邑向為人文淵藪。原設商籍學額。實為仁錢士子進身一途。况該省商學向無專設教官。取進各生。即分撥杭府仁錢三學。凡廩增出貢中式。即占仁錢之額。其中人材輩出。誠如聖諭與長蘆山東情形不同。未便議請裁汰。應遵

旨照舊辦理。其現在行鹽及商人後裔。准其一併收考。仍飭令該撫及該學政隨時查察。責成甲商廩保認識保送。毋滋頂冒影射等弊。至商籍各生。既係附入杭府仁錢三學。即與民籍生員無異。



仍照舊例。鄉試俱散入民卷取中。不必另編鹵字號。○又議准。裁汰甘肅省甯夏府商學。現在商籍人等。概令改歸原籍。其文生員內廩。增改為候廩。候增。照考案新舊開補。仍照食餼年分。挨次出貢。○又議准。粵省商籍。照直隸商學十名取進一名之例。酌定進額七名。如人數不敷。任缺毋濫。即應考人多。亦不得有逾定額。鄉試另設鹵字號。於民籍外另設中額。如人數不敷。不准取中。亦毋庸攤入民卷。其情願改回本籍者。准其呈明改歸。○又議准。廣東省商童。本年

到考實在五十名。遵例取進五名。照上次業經  
裁減其廩增額缺亦即於該學廩增原缺十五  
名內減去十二名。止留廩增各三名。先將年分  
最深之廩增補足實缺。餘作為候廩候增。照考  
案新舊間補。至出貢之期。除舊補廩生仍按其  
補廩年月先儘。照舊出貢外。其嗣後新補廩生  
照該省欽州等小學之例。俟十年之後。四年一  
貢。遇選拔之期。仍拔取一名。任缺毋濫。○嘉慶  
十三年。奏准山西省河東鹽務復舊。仍復運學  
舊制。由安邑縣考送鹽法道。由鹽法道錄送學

政取進十名。○咸豐八年議准四川省鹽商踴躍輸將數逾鉅萬嗣後於該省捷為樂山兩縣合設商學定額取進商籍文童四名由捷為縣錄送富順榮兩縣合設商學定額取進商籍文童四名由富順縣錄送均以二十名取進一名如應試人多不得浮於現設定額僮人數不敷實有文理通達者亦取進一名歸於捷為富順兩教官訓課三年後各量設廩生五名增生五名毋庸酌給廩餼仍照例五年一貢

商籍永廣學額○直隸竈籍永廣一名浙江商

籍永廣十名。山西商籍永廣十名。○咸豐六年。以商民捐輸軍餉。加浙江省仁和錢塘三縣商籍永遠學額八名。山西省河東商籍永遠學額十名。○十年。以商民續捐軍餉。加浙江省錢塘縣商籍永遠學額二名。○同治五年。以商民捐輸軍餉。加直隸省竈籍永遠學額一名。

增廣學額。○康熙三十八年。

論江南浙江人文稱盛。入學名數前已加增。今著於府學大學中學小學各增取五名。舉行一次。以示獎勵。

○六十一年十一月欽奉

恩詔直省各儒學大學加取七名中學加取五名小學加取三名。○雍正元年議准直省各府學遵照

恩詔內大學例加取七名又

盛京奉錦二府滿合字號六名者加六名四名者加四名其餘各學並視原額加取一倍後不為例。○又遵奉

恩詔議定滿洲蒙古照兩大學廣額十四名漢軍照一  
大學廣額七名。○十三年九月欽奉

恩詔各省儒學大學加七名中學加五名小學加三名。  
○乾隆元年遵奉

恩詔議定。奉天府學滿字號。照中學例加五名。錦州府學。復州學。合字號。照小學例加三名。其遼陽州等學。原額七名五名者加二名。四名二名者加一名。○十三年

諭國家崇儒重道尊禮

先師朕躬詣

闕里釋奠

廟堂式觀車服禮器用慰仰止之思念魯國諸生素傳禮教應加恩黷序廣勵人材山東通省入學額數著增廣一次府學大學增取三名中學二名小學一

名以廣

聖澤以光文治。○又覆准山東省欽奉

恩詔增廣學額。查靈山衛附併膠州。鼇山衛附併即墨縣。應仍照前例。膠州即墨縣之童生。照大學例。各增廣三名。靈山鼇山之衛籍童生。照小學例。各增廣一名。其沂州府屬之安東衛附併日照縣考試卷面。仍填原衛字號。名雖一學。而補廩出貢。及入學額數。仍係兩學原制。亦照靈山鼇山二衛例。將日照縣童生。照大學例。增廣三名。安東衛籍童生。照小學例。增廣一名。○十六年

諭朕問俗觀風南巡江浙清蹕所至廣沛恩膏更念三吳兩浙為人文所萃

皇祖聖祖仁皇帝屢經巡幸加惠膠庠試額頻加覃敷教澤朕法

祖省方鑿與斯莅式循

懋典用示渥恩所有江蘇安徽浙江三省本年歲試文童府學及州縣大學著增取五名中學四名小學三名舉行一次該部傳諭各該學政慎加蒐擇拔取真材副朕育才造士至意○二十二年

諭朕敬承



祖德問俗觀風嘉惠黎元培植士類今者乘春布令載  
莅東南濟濟青衿來迎道左因念三吳兩浙民多俊  
秀加以百年教澤比戶書聲應試之人日多而入學  
則有定數甚有皓首而困於童子試者其無遺珠之  
惜耶宜循舊典再沛渥恩將江蘇安徽浙江三省本  
年歲試文章照乾隆十六年例府學及州縣大學增  
取五名中學增取四名小學增取三名各該學政其  
慎加甄錄稱朕樂育人才之至意焉○二十七年

諭三吳兩浙文風素盛前此清蹕時巡加惠膠庠頻增  
試額茲朕敬奉

皇太后安輿載莅南服仰惟

慈慶之綿臻益廣作人之雅化宜循舊典以示渥恩其  
將江蘇安徽浙江三省本年應試文童府學及州縣  
大學增取五名中學增取四名小學增取三名

○又奏准前奉

恩旨將江蘇安徽浙江等三省增取學額以昭盛典今  
浙江本年科試文童惟杭州等五府尚未考試  
現在遵行增取外其甯波等六府未奉文之前  
先已考竣留俟下屆歲考補行增取○三十年

諭向來選拔貢生定例惟府學准選二名州學縣學均

係額取一名。其江蘇安徽二省有分設各縣仍統於新舊兩學中彙拔貢入成均肄業。茲當翠華臨幸。正值選拔之年。因念分設各邑。版籍既繁。膠庠亦盛。僅令兩學拔取一人。懷才者或不免拘於常格。無以昭鼓勵而廣甄陶。著加恩將江蘇安徽二省所有分設各縣。准於本年選拔時。每學各取一人。俾得均霑惠澤。○又

諭。三吳兩浙文風素盛。昨於啟鑿之先。已特降恩。諭將江南分設各縣。准於本年選拔時。每學各取一人。以廣教澤。茲當翠華莅止。因念成均既多。予拔尤而異

序亦宜增試額。用循舊典。以示渥恩。其將江蘇安徽浙江三省本年應試文章。府學及州縣大學增取五名。中學增取四名。小學增取三名。○三十二年

諭。畿輔為首善之區。人文漸被。多士蔚興。茲因循覽河隄水利。臨幸天津。業已恩施黎庶。而觀風所莅。並宜加惠士林。用光黌序。所有直隸本年入學名數。大學增額五名。中學增額四名。小學增額三名。○又覆准直隸省遵奉

恩詔。增廣學額。順天府暨大興宛平二縣一學實分三學。照三大學例。各增五名。其實抵縣分設甯河

縣俱係小學。照小學例各增額三名。魏縣歸併大名縣。改為大名鄉學。與大名縣學俱係中學。照中學例各增額四名。○三十五年

諭畿輔為首善之區。人文漸被。多士蔚興。上屆臨幸天津。曾加恩廣額。用光黌序。乃者

慈禧普被歡洽。敷天業已特開鄉會恩科。彙征叶吉。而鑿輅經臨。推恩行慶。並宜加惠士林。所有直隸通省本年入學名數。大學著增額五名。中學增額四名。小學增額三名。○三十六年

諭朕因東省大吏之請。祇奉

皇太后恭詣

岱嶽拈香並順道躬謁

闕里恩施所被徧洽羣黎更念齊魯為絃誦之邦地  
切近光人文蔚起並宜式敷教澤加惠膠巒所有山  
東省本年入學名數大學著增額五名中學增額四  
名小學增額三名○又覆准山東省遵奉

恩詔增廣學額查靈山衛業已歸併膠州並非各為一  
學且於乾隆十六年減去進額三名若膠州既  
照大學例增額五名靈山衛復照小學例增額  
三名未免浮濫應於膠州增額五名內的與靈

山衛一名不必復照小學例增額。四十一年諭朕因兩金川耆定恭奉

慈輦東巡修在泮獻功之典。首自近畿。覃敷愷澤。膠庠樂育。並宜一體加恩。著將直隸本年入學名數。大學增額五名。中學增額四名。小學增額三名。○又

諭兩金川現已勦平。獻俘奏凱。稽典東巡。告功在泮。業已恩施疊沛。慶洽羣黎。更念齊魯諸生。戶盈絃誦。地切近光。當武功大定之時。更宜加惠膠庠。式敷教澤。所有山東省本年入學名數。大學著增額五名。中學增額四名。小學增額三名。○四十三年

論盛京為本朝根本重地。兵丁皆知恪守舊風。嫺騎射。以裕武備。現已校閱。分別賞賚。其讀書之士。亦漸摩文化。蒸蒸日上。盛堪與畿甸比隆。朕鑿輅所臨。青衿獻詩趨逐。絃誦彬彬。具見膠庠樂育。自宜一體加恩。用彰作人盛典。著將盛京滿合二號。及奉天所屬各學科考廣額一次。其向取進六名以上者。增額三名。四五名者。增額二名。二三名者。增額一名。○四十五年諭。三吳兩浙。文風素盛。前此清蹕時巡。加惠膠庠。特增試額。茲當翠華臨蒞。宜循舊典。以示渥恩。著將江蘇安徽浙江三省。本年應試文章。府學及州縣大學增



取五名。中學增取四名。小學增取三名。○四十八年

高宗純皇帝駕詣

盛京恭謁

祖陵將

盛京滿合二號及奉天所屬各學於科考廣額一  
次。其向例取進六名以上者廣額三名。四、五名  
者廣額二名。二、三名者廣額一名。○四十九年

諭江浙兩省文風素盛。前此翠華臨幸。曾降旨增廣試  
額。茲舉六巡慶典。尤宜特沛恩施。所有江蘇安徽浙  
江三省本年應試文章。府學及州縣大學著增取五

名。中學增取四名。小學增取三名。○五十五年

諭朕此次巡幸山東。祇謁

闕里。覃敷愷澤。允宜道自近畿。著將直隸本年入學名數。大學增額五名。中學增額四名。小學增額三名。

○又

諭朕此次巡幸山東。祇謁

孔林。恩施疊沛。業已慶洽羣黎。更念齊魯諸生。比戶絃歌。近依

聖里。當此鑿輿臨莅。允宜加惠膠庠。式敷化澤。所有山東省本年入學名數。大學著增額五名。中學增額

四名小學增額三名。○六十年

諭本年為朕臨御六十年於二月上丁親詣

文廟釋奠禮成並閱視辟雍新刊石經瞻仰

宮牆彌深景慕自維沖齡肄學服膺

聖教迄今八袞開五猶日孜孜誨學無倦舉凡行政  
念典悉皆得自心傳今晨臨雍展敬祇肅躬親風日  
暄和典禮咸備景仰之誠

先師靈爽式憑自必默垂鑒佑當茲邇運增隆慶臻  
耆壽莫非仰邀

錫貺允宜施恩黌序加惠士林以光盛典所有各直

省歲試入學名數著交該部查照向例分別廣額其  
太學肄業諸生並著加恩免其坐監一月用示重道  
崇儒壽世作人至意欽此遵

旨具奏乾隆十六年以後恭遇

巡幸增廣學額均係大學加取五名中學加取四名小  
學加取三名又

盛京等處增廣學額向取進六名以上者增額三  
名四五名者增額二名二三名者增額一名歷  
經辦理在案隨劄知各該學政並奉天府丞一  
體遵照辦理○又覆准福建省臺灣府屬四縣

附入府學之粵籍文童。向皆額進八名。今增廣學額。照六名以上例。加取三名。○又覆准廣東省新甯縣客童額進二名。照乾隆十三年山東省增取衛籍童生之例。增取一名。○嘉慶元年欽奉

恩詔。各直省入學額數。大學加七名。中學加五名。小學加三名。○又議准本年歲試。已於六十年二月初奉旨廣額。今

恩詔內加增入學額數。飭令各省學政。於科試時辦理。○又覆准山東省

文廟樂舞生。照乾隆元年之例。於定額四名之外。加廣一名。又覆准四川省綿州。達州。二學各額進十四名。其廣額照中學例。加取四名。又覆准甘肅省安西州。敦煌。玉門等處。向例各額進六名。又循化。貴德。宜禾。奇臺。迪化。昌吉。阜康。綏來等處。各額進四名。鎮西府額進三名。大通縣額進二名。此次增廣學額。照

盛京廣額之例。於歲科兩試時。按照各州縣學額數。分別加取。四年

高宗純皇帝升配禮成。欽奉

恩詔直隸各省童生入學額數大學著增七名中學增  
五名小學增三名舉行一次不著為例○十年奉

旨盛京為風化所基文治漸摩彬彬絃誦朕鑿輅來臨  
士子等恭迎獻冊亦應一體加恩以彰作人之盛著  
將盛京滿合二號及奉天所屬各學於科考廣額一  
次其向例取進六名以上者增額三名四五名者增  
額二名二三名者增額一名○十三年

諭畿輔為首善之區人文漸被多士蔚興茲因循覽河  
隄巡幸淀津業已恩施黎庶而觀風所益並宜加惠  
士林用光黌序所有直隸通省本年入學名數大學

增額五名。中學增額四名。小學增額三名。○十六年諭朕此次巡幸五臺。士子迎鑾獻賦。除加恩召試外。並宜加惠儒林。用光黌序。所有山西通省入學名數。著增廣一次。大學五名。中學四名。小學三名。○二十三年。

仁宗睿皇帝駕詣

盛京恭謁

祖陵將

盛京滿合二號。及奉天所屬各學歲考廣額一次。其向例取進六名以上者廣額三名。四五名者



廣額二名。二三名者廣額一名。○二十五年八月欽奉

恩詔直省各儒學大學加取七名。中學加取五名。小學加取三名。○又覆准江蘇省欽奉

恩詔增廣學額海門廳額進四名。照甘肅省循化貴德等處之例廣額二名。江甯京口兩處駐防旗童照取進數目加取。如佳卷無多任缺毋濫。僅取進僅止一人。毋庸加取。○又覆准山東省

文廟樂舞生。照嘉慶元年例於定額之外加廣一名。○又覆准廣東省廣州府旗籍。照

盛京加額例取進六名以上加三名四五名加二名二三名加一名如佳卷無多任缺毋濫儻止取一名毋庸議加。又覆准廣東省東莞新安開平各客籍均額進二名照新甯客籍之例各加取一名。○道光元年。

仁宗睿皇帝升配禮成欽奉

恩詔直隸各省童生入學額數大學著增七名中學增五名小學增三名舉行一次不著為例。又覆准江西省萬載縣土籍額進十二名棚籍額進四名共進十六名遵奉兩次

恩詔照大學例。每次廣額七名。土籍五名。棚籍二名。○  
又覆准四川省城。口廳額進三名。加廣一名。太  
平縣額進六名。加廣二名。○又覆准各直省增  
廣學額。如奉

恩詔時。未經歲試者。上年

恩詔內。廣額於歲試舉行。本年

恩詔廣額。在科試舉行。其業經歲試者。上次廣額。在科  
試舉行。此次廣額。留於下屆歲試舉行。其歲科  
兩試俱經考過者。上次廣額。及此次廣額。留於  
下次歲試科試。先後舉行。○九年。

宣宗成皇帝駕詣

盛京恭謁

祖陵將

盛京滿合二號及奉天所屬各學於科考廣額一次其向例取進六名以上者廣額三名四五名者廣額二名二三名者廣額一名○三十年正月欽奉

恩詔各直省入學額數大學加七名中學加五名小學加三名○又覆准廣西省恭奉

恩詔增廣學額太平土州原額四名嘉慶道光年間每

遇廣額悉照小學加額三名。現計原額四名之東蘭州。天保縣歸順州。西隆州。西林縣均照嘉慶道光年間舊案取進。其新設凌雲縣四名之學。加額二名。新設奉議州三名之學。加額一名。○咸豐二年。

宣宗成皇帝升配禮成。欽奉

恩詔。直隸各省童生入學額數。大學著增七名。中學增五名。小學增三名。舉行一次。不著為例。○十一年九月。欽奉

恩詔。各直省入學額數。大學加七名。中學加五名。小學

加三名。○光緒元年正月欽奉

恩詔。各直省入學額數。大學加七名。中學加五名。小學加三名。

駐防考試。○嘉慶四年議准各省駐防旗人。因無就近考試之例。以致蹉跎失學。嗣後駐防省分。凡遇歲科兩試。如有情願赴考者。准其就近考試。俟取進後。再聽其赴京鄉試。其應如何查照人數多寡。酌定學額。一切章程。交禮部酌量辦理具奏。○又奏准在京八旗滿洲蒙古童生額進六十名。覈計近年應試人數。均在五六名

內取進一名。各省駐防亦由各該學政按照應試童生人數五六名取進一名。如佳卷不敷任缺毋濫。如將來人數較多即按人數定額。其應行設立廩增數目與出貢年分統俟歲科兩試之後各該學政按照應試人數多寡文風高下咨部再為分別覈定。至童生赴考例有廩生保結。惟現係初次考試暫由本佐領具結保送。俟該處設有廩生仍照例令廩生保結。將佐領保結之例停止。○又議准各省駐防童生應試其馬步箭應由本處駐防大臣等考試彙送地方

官於府考童生時一併考試錄送學政取進○  
又覆准直隸省滄州駐防尚未設立佐領所有  
童生考試由該管防禦具結保送○五年

諭朕恭閱

皇考高宗純皇帝實錄參領金珩奏請將各省駐防滿  
洲蒙古漢軍官弁子弟於歲科兩試令該將軍考試  
馬步箭即送附近府院考取一事

皇考欽遵

皇祖諭旨以駐防弁兵子弟有能讀書向學者聽其來  
京應試若悉准其在外應考則伊等競尚虛名必致



騎射生疏。操演怠忽。將來更有何人充駐防之用。將該參領申飭。事未准行。仰見我

皇祖

皇考睿慮周詳。誠恐駐防弁兵專習文藝。致弛武備。再

三

申諭。意至深遠。因思上年通恩條奏駐防事宜一摺。內稱請令各處駐防旗人另設學額。就近考試入學。再聽赴京鄉試等語。彼時朕尚未恭閱

實錄。所載此條。即交軍機大臣議奏。准行。蓋因各處駐防兵丁較之雍正乾隆年間。生齒增倍。而披甲名糧

例有定額。概令食糧當差。則人浮於缺。勢有所難。若徒手嬉游。毫無所事。必至習於非義。其能有讀書向上。通曉文義者。如必令遠赴京師。應試資斧。又恐不給。是以准就近應歲科試。以廣進取之階。我滿洲根本。騎射為先。若八旗子弟。專以讀書應試為能。必將輕視弓馬。怠荒武備。殊失國家設立駐防之意。嗣後各省駐防官弁子弟。不得因有就近考試之例。遂荒騎射本業。著該將軍都統等。通行飭諭各官弁等。訓課子弟。以騎射為首務。其攻肄舉業者。仍當嫻習騎射。務臻純熟。以仰副

皇祖

皇考教育八旗。諄諄垂訓。及朕多方造就之至意。又諭據宋澍奏新例駐防旗人另設學額。上年通恩原奏將新進生員歸入府學約束。但各學教官於清語騎射皆不通曉。令其教導轉屬無益等語。所奏尚是。所有駐防新進生員。即著照所請。交佐領約束。於清語騎射加意訓習。其月課文藝。則交府學閱看。各省駐防一體遵行。○六年議准河南省駐防赴考童生。科試人數已多於歲試。將來應試人數日多。未便即以取進一名。遽行定額。俟三屆歲科考試後。

仍酌量人數多寡。文風高下。再為咨部覈定。至  
廩增出貢各事宜。亦俟三屆歲科考試後。再行  
覈計生員人數辦理。○又覆准各省駐防等官  
子弟。就近應試。如無佐領圖結。亦准與附近防  
禦等官互相出結。至馬步箭。仍由駐防大臣考  
試。轉送府考。不得以防守尉等官自行考試。馬  
步箭。○十一年覆准。

東陵衙門駐防童生赴試。並無臨場識認之人。該佐領  
等既有專司差務。不便派令遠出識認。該處甫  
經歲科兩試。止有附生二名。查各省衛學苗學

初設未有廩生。原有令本學增附生。識認送考之例。該處駐防童生赴考。應照此例。准令現在附生二名分保。臨場識認。以杜頂冒等弊。其佐領出結保送之處。仍照前奏辦理。俟將來設有廩生。再行停止。○十二年奏准湖北省荊州駐防。現在三屆歲科。取進旗童已三十一名。准其設立廩增額數。暫照小學校少之額。設廩增各二名。五年一貢。新補廩生。仍照例俟食餼十年後出貢。如該處取進旗童。日久增多。文風較盛。再行酌量增設。以示鼓勵。○又覆准陝西省西

安駐防旗童三屆歲科已取進三十四名。甘肅省涼州已取進三十名。嗣後額設廩增各二名。五年一貢。○十三年覆准吉林滿合二號自嘉慶五年科試起。至本年歲試共錄取滿合旗童三十六名。歲科三屆已周。酌設廩增各二名。仍俟食餼十年後出貢。○又議准熱河總管所屬官兵及莊頭子弟均係包衣旗人。原與駐防旗人無異。如有讀書上進情願考試生員者。由總管就近驗看騎射彙送地方官考試錄送學臣取進。其取進額數及應行設立廩增以及出貢

年分一切事宜。悉照駐防考試章程辦理。○十五年覆准廣東省駐防旗童。自嘉慶五年科試起。至今取進人數。共有三十一名。嗣後設立廩增各二名。五年一貢。新補廩生。仍俟食餼十年後出貢。○十六年覆准甘肅省甯夏駐防旗童。實在二十九名。嗣後設立廩增各二名。五年一貢。新補廩生。仍照例俟食餼十年後出貢。○十八年

諭各省駐防兵丁子弟。准其於本省就近考試入學。因鄉試必須來京。道路遙遠者。每以艱於資斧。裹足不

前嗣後各省駐防子弟入學者。即令其於該省一體鄉試。於造就人材之道。較為有益。○十九年覆准江甯駐防文生。自嘉慶七年考取。至今已有一百三十餘名。嗣後設立廩增各二名。五年一貢。新補廩生。仍照例俟食餼十年後出貢。○道光二年定嗣後順天府屬駐防旗童。情願考試者。統歸總管駐防衙門咨送。合併計算人數。不准分計。至足五六人之數。府考時方准收考。錄送學政照例取進。入學後撥歸順天府學管轄。○八年覆准浙江省杭州駐防文生員。現有二十八名。嗣



後設立廩增各二名。五年一貢。新補廩生。仍照例俟食餼十年後出貢。○又覆准江南省京口駐防生員。現有三十一名。嗣後設立廩增各二名。五年一貢。新補廩生。仍照例俟食餼十年後出貢。○十八年議准四川省成都駐防旗童。陸續取進文生。共計三十六名。嗣後設立廩增各二名。五年一貢。新補廩生。仍照例俟食餼十年後出貢。○二十三年

諭國家分設八旗兵丁駐防各省。立意至為深遠。嗣因生齒日繁。披甲名糧。例有定額。勢不能概令食糧當

差而各弁兵子弟亦有讀書向上通曉文義者聽其  
應試以廣進取之階所以造就人才體恤旗僕者無  
微不至但思八旗根本騎射為先清語尤其本業至  
兼習漢文亦取其文義清通便於繙譯乃近年以來  
駐防弁兵子弟往往驚於虛名浮華相尚遂至輕視  
弓馬怠荒武備其於應習之清語視為無足輕重甚  
至不能曉解恭閱嘉慶五年

皇考諭旨各省駐防人等准於該省考試文生原係於  
伊等格外恩施如專務此而廢棄清語騎射即停止  
此例不准考試亦原應該俟清語騎射演習熟練時

方准考試等因欽此仰見我

皇考聖慮周詳

訓誡諄諄之至意因思清語騎射全在該管大臣官員等平日盡心訓飭操演而弁兵子弟亦必令藉此進身方能益加勸勉現在武闈鄉試各省駐防一體與考應試之人弓馬如悉熟嫻不患無登進之路其應文試者必應試以繙譯庶不至專習漢文轉荒本業除本科各省文鄉試仍照例准其應考外嗣後各處駐防俱著改應繙譯考試俾有志上進者咸知非熟習清文不能倖邀拔擢自必爭相磨厲日益精通其

各該將軍副都統等尤宜隨時訓練。董勸兼施。毋得視為具文。因循積習。以副朕崇實黜浮之意。其考試一切章程及繙譯童試進額鄉會試中額應如何酌定之處。著軍機大臣會同該部悉心詳議具奏。欽此。遵。

旨議准。除例應順天鄉試各生及駐防現任京官之子弟隨任在京者俱照舊辦理外。餘均改試繙譯。○又議准。文生改應繙譯鄉試。由該將軍副都統城守尉等考送錄科。其歲科兩試。毋庸再由學政考試文藝。○二十四年覆准。福建省駐防

廩增前議裁撤改試繙譯所有從前已經補廩各生仍照舊給餼其支領廩餼以及丁憂病故涉訟滋事一切事件仍照舊屬福州府學管理以專責成○咸豐十一年

諭各省駐防八旗向來本有考取舉人生員之例自道光年間改為繙譯將舊例停止原為八旗人員均應諳習國語清文以為本務恐其因考試漢文致有荒廢現在繙譯考試各省遵行已歷有年其駐防八旗中通達漢文績學之士不克觀光誠為可惜嗣後著於駐防繙譯科甲外仍復駐防考取文舉人生員之

例均准其鄉會試與繙譯一體錄用以廣登進該駐防八旗人等仍不得專驚漢文致將繙譯國語稍涉荒廢用副朕敦本育才至意○同治元年議准各省駐防前經取進之文生暨繙譯生從前曾經應繙譯鄉試者現在或仍應繙譯或改應文闈人數無多均聽其便嗣後取進之繙譯生員即令專應繙譯不必兼應文闈其新進之文生員令其專應文試其中有願應繙譯者准其自行呈明改應繙譯既改之後不得再應文闈○又覆准各省駐防捐納監生願應鄉試者造冊咨送

兵部考試馬步箭合式者方准入場。○六年奏准加東三省滿洲蒙古永遠學額十名。按奉天吉林黑龍江三處劃分。除已分撥奉天五名外。將此次加額撥給吉林滿洲蒙古三名。自戊辰歲試為始。於每五六名取進一名之例。再照所加定額取進。儻佳卷不敷錄取。任缺毋濫。至黑龍江應試旗童。即照吉林每五六名取進一名之例辦理。嗣後東三省再有捐輸。均不准再加滿洲蒙古永遠學額。以示限制。○八年覆准東三省及各省駐防來京考試。均由本隸旗分咨

送京旗送考。其從前由當差旗分捐考生監一律改歸原隸旗籍。以免紛歧。○十一年議准吉林滿合二號新舊文生現已一百二十餘名。所有滿合二號各加廩額一名。增額一名。連前定為滿合號廩增各三名。五年一貢。○又議准廣東省駐防生員現在一百餘人。嗣後設立拔貢一名。○又議准廣東省駐防文童應試人衆。於原額廩增各二名外。再添廩增各二名。共定為廩增各四名。四年一貢。○十三年覆准河南省駐防自同治元年考試起。迄今四屆歲科。現在



實有文生三十二名。嗣後設立廩增各二名。五年一貢。新補廩生。仍照例俟食餼十年後出貢。○光緒元年覆准直隸省承德府莊頭旗童。現在實存在學生員。已有三十三名。嗣後設立廩增各二名。五年一貢。新補廩生。仍照例俟食餼十年後出貢。○二年覆准山東省青州駐防。自同治元年起。至光緒二年。共歷歲科十考。取進文生四十一名。並有嘉慶道光年間。取進文生七名。嗣後設立廩增各二名。五年一貢。新補廩生。仍照例俟食餼十年後出貢。○三年奏准直

隸省遵化州官紳等於州城內捐建考棚歲科  
兩試學臣按臨開考其守護

東陵及羅文峪喜峰口玉田豐潤駐防蒙古旗人即就  
近在遵化州應試毋庸再附京旗○八年覆准  
江南省京口駐防生員實在已有三十三人嗣  
後設立廩生二名增生二名五年一貢其新補  
廩生仍俟食餼十年後出貢○又覆准熱河圍  
庭旗童現在學生員已有二十九名嗣後添設  
廩增各二名五年一貢○十年覆准嗣後各省  
駐防文童如應試人數在六名以上者均按照

每六名取進一名。不得統按每五名取進一名。其實因應試人數僅止五名。或所賸零數適有五名。方准取進一名。以符每五六名取進一名之例。

欽定大清會典事例卷三百八十二

禮部

學校諸生考課 衡文黜陟

諸生考課○順治九年題准府州縣提調官員宜嚴束生徒按季考校凡學內殿堂齋房等屋損壞即辦料興工修理其齋夫膳夫學糧學田等項以時發給不許遲誤剋減生員除干謁瀆擾外宜以禮相待毋得橫肆陵侮○十二年

諭

各學生員令提學御史提學道嚴飭府州縣衛各學教官月加課程不得曠廢亦不得假借督課陵虐諸

生。康熙二十七年定武生無武學處。照例屬文學。教官管理。除騎射外。教以五經。七書。首將傳及孝經。四書。俾知大義。提調仍將各學射圃修輯。置備弓矢。教官率武生騎射其中。以飭武備。武學

係舊制

○雍正元年覆准。學宮之內。廣置齋舍。

多設廩膳。由直省學臣通飭府州縣衛教授學。正教諭訓導。務立課程。令其時至學宮。面加考試。如果有游學。遠館隨任等情。教官不得藉此苛求。至新進生員。尤為進身之初。即照國子監坐監例。令在學肄業。俟下案新生至學為滿。或

有親老家貧。勢不能在學肄業者。亦必分題考校。每月定期。使無曠業。學臣於按臨時。即以文章之優劣。定教職之賢否。○五年覆准。嗣後令教官按月課。四季季考。生員除丁憂患病游學。有事故外。照定例嚴加考試。如有託故不到者。嚴加懲治。三次不到者。詳革。如該教官內。實能盡心訓迪。化導有方。學臣即為舉薦。若因循苟且。視為具文。即題叅革退。○六年覆准。嗣後府學生員。百里以內者。其月課仍在府學。百里以外者。在州從州。在縣從縣。今州縣學教官帶

理月課。至府學生員有干犯學規者。亦許州縣學教官嚴加約束。其歲科考試。幫補出貢。丁憂起復等項。仍歸府學職掌。○又議准。嗣後各該學政嚴飭教官季考月課時。於書文一篇外。或試以策。或試以論。務期切近時務。通達政治。嚴立課程。分別優劣。以示勸懲。○七年議准律例內刑名錢穀各條。無不具備。乃莅政臨民之要務。士子允宜奉為章程。豫先學習。以為他日敷政之本。應令各省學政轉飭各學教官。每當月課季考之次日。將律內開載刑名錢穀關係緊

要者。詳為講解。使之熟習淹貫。豫識政治之要。學政於按臨講書之時。令諸生各講律例三條。士子中果有文行兼優。而又能諳熟律例。才堪辦事者。該教官申送學政。該學政詳加考驗。於任滿時保題。○十二年覆准。八旗人材英敏者多。不可任其優游自便。嗣後八旗生員。遇歲科兩試。務令各該旗都統飭令參領。佐領及滿洲教官嚴傳赴試。如果駐防各省。隨任遠方。及實係患病。一時不能赴考者。本生豫呈教官。教官加具印結。申報學臣存案。仍令八旗都統飭令



參領佐領於學臣按試文到之前將各旗有事故不能到之生員逐一查明緣由出具印結申報該都統行文知照學臣並飭發教官令其造具清冊註明某生駐防某省某生隨任某地或某生實因患病驗明加具印結申報學臣存案如該旗都統既無知照教官又無文申報緣由一任該生捏詞託故抗不赴考扶同徇隱者一經查出將本生照例除名外仍將該管各官照徇庇例一併叅處○又

諭。清釐八旗歲考不到生員原以杜規避之弊然不肖

旗員。或藉此生事苛求。亦未可定。著該都統轉飭參領佐領秉公辦理。儻有徇情蒙混及需索苦累等事。該都統即行參究。○十三年議准。講習律例。定為考覈之法。飭令各學教官。於詳報月課季考文內。將所講律例何條。其聽受者何人。逐一聲明。以憑學臣查覈。如有怠忽不肯盡心聽受者。亦列名開報。該學政分別次數。嚴加懲做。務令各生細心體認。通曉熟習。儻該教官不實力講解。仍前視為具文者。該學臣查實。即行題參議處。○乾隆元年覆准。雍正五年定例。士子每年四季

季考。按月月課。考課不到者戒飭。三次不到者  
詳革。但三次月課。為期不過三月。士子或因住  
居遙遠。不能如期赴課。亦間有之。嗣後月課三  
次不到者。該學教官嚴傳戒飭。其或並無事故。  
終年不到者。詳請褫革。○四年覆准。嗣後學臣  
歲試八旗生員。如有患病事故者。定限於科考  
時補考。即科考時仍有患病事故者。定限於下  
次歲試補考。統令該管官詳細查覈。並嚴加傳  
催。務於限內補試。再各省駐防隨任之生員。距  
京遙遠。原與在籍諸生不同。若概令赴京歲考。

其中多有未便。若聽其竟不歲考。亦屬與例不符。今酌議駐防隨任各生。有來京鄉試者。即令補行歲試。以符定制。其因路遠及有事故不能鄉試者。仍照原議。令該教官送具清冊。註明某生駐防某省。某生隨任某處。加結申詳。學臣存案。但不許止應鄉試而不補歲考。致滋規避之弊。該旗員及該學教官亦不許藉端苛索。儻有詐稱駐防隨任。及已經考過。仍復羈留者。明屬徇情蒙混。即行叅處。至隨任回旗之生員。仍按欠考次數。照例補考。○又議准。欠考各生。各學

政務令按次補考。即於彙報歲科學冊內分別註明。以憑查覈。如有欠考數次。止補一次。及徑附正考等第者。照徇情蒙混例議處。○又覆准文武生員。捐穀准作監生。有於歲科考之前。該州縣給發倉收者。准其免考。其雖經報捐。尚未交完。未經發給倉收者。仍照例考試。○九年議准。儒學官每月集文武生員於明倫堂。恭誦

聖祖仁皇帝訓飭士子文及臥碑所載各條。令諸生敬聽。仍照定例。於書文之外。或試以策。或試以論。該教官衡定等第。出榜曉諭。即將試卷申送學

臣查覈如教官內訓迪有方著有成效該督撫學臣覈實保薦。僕因循苟且不行月課及一季之內缺課一二次者該學臣查明咨部分別議處。生員內如有託故三次不到及無故終年不到者該學教官詳明學臣分別懲戒斥革。又議准嗣後各學教官訓迪士子每月照例面課四書文外即於赴課時將士子專經令其分冊誦習網目必分年詳解面加諄勸務期實力講貫或閒月或每季試以本經疑義及史策並二場表判仍將課期及取列優等試卷按月按季

報解學政查覈○十年

諭

直省文武生員。三年歲考一次。若臨場不到。即行黜革。其游學患病。取結開報。限三月內補考。違限者分別降黜。定例。恭嚴。近聞各處士子。任意遷延。屢次欠考。此風漸不可長。嗣後凡係告假生員。其上屆開報下屆果係游學未歸。患病未痊。該學官查驗確實。詳請展限。以俟病痊回籍。即送補考。如欠至三次以外。不准展限。竟行黜革。僅有扶同捏報。不詳請展限者。該學政將教官叅處。以專責成。○二十五年議准。教官於月課時。一體限韻課詩。憑文去取。○嘉慶

十七年。御史辛從益奏。各省設立學官。月課久不舉行。有師生之名。而無訓誨之實。文風難望整飭。所關匪淺。請

敕下各省學政。實心董率。以昭風厲。而崇教化等語。奉

旨。著通諭直省學政。各率所屬。實心整頓。○二十四年。諭謝階樹奏。文武生員。欠考人數衆多。請分別辦理。一摺。湖南各屬。欠考諸生。自三次以上。至八次者。竟有七百七十名之多。積習相沿。本應概行黜革。姑念人數衆多。其欠考三次各生。著仍照乾隆年間之例。暫



免革除。欠考四次者。亦加恩暫免革除。均勒限咨催。回籍補考。至欠考五次。以至八次者。俱著即行黜革。以肅學校。○又

諭。吳其彥奏。生員欠考人數過多。援案請旨辦理一摺。直隸學政所轄八旗漢軍及順天等府屬。欠考三四次。生員。共有一百七十人。舊例本應黜革。姑念人數衆多。所有直隸學政所轄欠考三四次。生員。著加恩暫免斥革。即勒限催提補考。如四次者。再欠考一次。三次者。再欠二次。該學政即將該生黜革。咨部除名。○道光元年

諭。胡敬奏生員欠考人數過多。援案請予寬限一摺。安徽省欠考三次文生一百二十人。武生八十人。照例本應斥革。姑念人數衆多。從前直隸湖南俱有寬限舊例。所有安徽省欠考三次之文武生員。著加恩均暫免革除。寬限一次。該學政即勒限催提。隨棚補考。儻四次不到。即行斥革。咨部除名。○三年。

諭。禮部議覆河南學政吳慈鶴奏酌改管束撥府文武生員章程。著照所議。嗣後各直省撥入府學文武生員。除由附郭州縣撥入者。仍歸府學管束外。其餘無論里數遠近。即令本州縣學嚴加管束。該府學教官

仍一體查察。不得藉詞推諉。所有附郭諸生月課。仍在府學。至各州縣撥府文生。距府學較近。即赴府學應課。距州縣學較近。即赴州縣學應課。並著於取進時分別報明。填註學冊。以憑督課。○同治元年議准。湖北省武。漢。黃。三府生員。因避難在外。欠考三次。斥革至千餘名之多。遠逃兵燹。轉徙四方。自應予以開復。惟人數衆多。應由該學政確切查明。如實因避難欠考。並未在外滋事。即取具地方官印結。及族鄰甘結。准其開復。仍造具清冊咨部備查。儻係有心規避。及緣事斥革暫革者。

無論已否結案。即飭地方官審明另造清冊。報部分別辦理。不准遽行開復。以示限制。○二年議准。各省教官有督飭士子之責。向例每月齊集諸生。嚴加考課。按季彙送學政。近來各教官視為具文。並不認真訓課。嗣後各省學政。嚴飭各教官力加整頓。照例月課。仍由學政不時查覈。如有奉行故事。苟且因循者。即行分別懲辦。○六年覆准。江蘇省江甯等屬。欠考三次生員。多因避難遠出。以致誤考。准其將所欠各考。按數補足。即予開復。○十年覆准。雲南省各屬欠

考補考生員冊底概行被毀。除咸豐五年以前照前任所存十四項冊底為據外。所有咸豐五年以後各屬未停試以前欠考補考各生仍責成各學教官認真查覈。詳細各造清冊。詳報學政彙齊送部。以憑覈對。如有捏飾等弊。惟該學教官是問。○十一年覆准上海同文館學生附生朱格仁等五名。經總理各國事務衙門。試有成效。奏准給予中書銜。作為附貢生。准其照例出學。至該生等上年歲考未及與試。係因調取來京。與有心誤考者不同。免其補考。○光緒元

年奏准山西每次歲考臨點不到斥革生員。竟至五六百名。所有近歲一次誤考斥革生員。除實在玩視歲考。不准藉詞開復外。其確有事故。遲誤未報。及游學鄰省。被匪阻隔者。准其取具切實印甘各結。覆覈咨部開復。仍嚴禁勒索捏飾等弊。○二年奏准本屆歲試。所有臨點不到者。行查各學。令其迅速查覆。其可原者。分別造報飭補。無故避考者。始予咨除。至以前欠考臨點不到革除者。飭該學教官詳查取結。彙案咨部開復。其素有劣迹者。仍毋庸議。○七年奏准。

嗣後生員歲試無故臨點不到以及欠考三次者均照例一律斥革由各該學於學冊內分款開註報部除名所有斥革各生概不准捏稱事故援從前開復成案蒙混請詳希冀開復○八年覆准各學欠考各生如實有身患痼疾及年屆七旬者准其出結申詳照例給予衣頂不准再應鄉試○又

諭前據內閣侍讀學士文碩奏稱河南學政廖壽恆斥革欠考生員一案言官挾私妄奏撫臣查覆瞻徇等因當交都察院堂官會同禮部兵部查奏茲

據查明覆奏。請旨辦理。各省文武各生。三年歲考一次。無故不到。例應斥革。所以考優劣而示勸懲。此次河南省斥革欠考各生。人數較多。其中有因災後轉徙流離。未能如期赴試者。其情不無可原。著該學政詳細查明欠考年分。是否實因災荒。有無規避情事。咨部分別辦理。其報捐出學之文生。包宗模等。冊報等第之武生。路昆錦等。何以仍註斥革。及列入患病游學項下。著分別查明。將歷任學政及各學教官。查取職名。交部議處。廖壽恆未能查出。亦屬疏漏。一併交部議處。此後各省學政



每屆歲考。仍應遵照定例辦理。其有因欠考三次。經該學政斥革者。不得藉詞援引。幸請開復。以符定制。○又奏准。山西省自大荒以後。兩經歲試。臨點不到較前倍多。其病故生員。凡在歲試以前。係因臨場不到除名者。均予開復。造具清冊。加具甘結。送部覈辦。

衡文黜陟。○順治九年題准。生員考案。一等文理平通。增附青社。均補廩。無廩缺。附青社。先補增。無增缺。青社。先復附。仍各候廩。原廩增。停降者。准收復。照序補廩。二等文理亦通。增補廩。附

青社補增。無增缺。青社先復附。原停廩降增者。准復廩。增降附者止。准復增候補。不准補廩。三等文理略通。原停廩者准收復候廩。其丁憂起復。病痊考復。緣事辨復及原增降附者。亦准收復。照新舊開補。青衣發社者准復附。廩已降增者不准復。四等文理有疵。廩姑免責。暫停食餼。不作缺。予限讀書六月。送考定奪。原係停降者。不准限考。至下次歲考定奪。增附青社均扑責。示懲。五等文理荒謬。廩停作缺。原停廩者降增。增降附。附降青衣。青衣發社。原發社者黜為民。

六等文理不通。廩膳十年以上發社。近六年以上與增十年以上者。發本處各充吏。不願者聽餘皆黜退為民。內進學未及六年者發社。○雍正二年覆准各省學政務恪遵定例秉公考核。分別等第。以示勸懲。毋得過寬徇私。其或有州縣人文果盛。確無荒謬不通之卷。亦不必苛刻推求。必列後等。以示無私。○又覆准八旗生員特恩給予錢糧。贍養讀書。各該旗都統於歲考前將領錢糧生員備造清冊咨部。轉送學政嚴加校閱。考居前等者照常領給。居四等以下者停其

給發。遇下次考居一等。二等。三等。照漢廩生開復例。仍給原領錢糧。如四等不願再考。即將學冊除名。聽其復歸護軍驍騎當差。○又議准嗣後令八旗都統遇歲考之年。將各佐領下生員嚴催赴考。學臣照考漢生員例。優等補廩。補增劣等降青。降社。但八旗生員有考箭之例。文理兼長為難。如無甚荒謬。不必苛求。但置之後等。○嘉慶二十二年覆准。嗣後考列五等之廩增附生。均不准其科試錄遺。除由附生降為青生者。罰令對讀事竣。准復附生外。其廩增各生照

例罰令對讀。仍不准收復。俟下次歲試。視其考  
列等第。照例辦理。○光緒七年覆准。生員考試  
二等。例准補增。增生並准補廩。若考列一等。覆  
試不到。顯有規避情弊。嗣後覆試未到各生。一  
併降附三等末。以肅功令。